

Gvangjsih Minzcuz Bau

ganhhau: CN45-0036 B.2014 Nd.6 Ng.25 liggaeuq gyapngux nienz ndwenngux ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3129期

Liujcwngz:

“Fwencuengh” Doxdax Daengq Vunzlai Gaej Nem Huqdoeg

柳城：“壮欢”比赛唱禁毒

6 nyied 18 hauh banhaet, vih geiqniemh 6 nyied 26 hauh ngoenz gozci gimq doeg (ngoenz gwnzbiengz heuh vunzlai gaej nem huqdoeg), nyinhcaen guh ndei hong senhconz gyauyuz vunzlai gaej nem huqdoeg, Liujcwngz Yen Fulenz、Ginduzban、Minzcuzgiz lienzhab youq yienhsingz Bwzyangz Gvangjcanz gawjbanh Fwencuengh doxdax, baez doxdax neix aeu “mbouj hawj huqdoeg haeuj

ranz raeuz” guh cawjdaez.

Ciuq cam rox, eu “Fwencuengh” gaenq baenz gij hozdung dangdieg gak cuz ginzcong ngoenznaengz gyaemaij、gag guh gag angq de. Baez neix “Fwencuengh” doxdax gungh miz 14 aen dui camgya, doenggyaq goengqde souj dam souj dwk eu “Fwencuengh”, daengq vunzlai aeu gyaem mingh、mbouj nem huqdoeg, neix dazyinx gyawj fanh vunz

ngonzyawj. Youq hozdung yienh-ciengz, doenghboux gag nyienh guh hong gimq doeg nem doenghboux gunghcoz yinzyenz fat 4000 lai faenh senhconz swliu hawj vunzlai. Baez hozdung neix dawz senhconz gimq doeg nem vwnzva minzcuz ndawbiengz doxhab hwnjdaej, hawj vunzlai roxyiuj danghnaeuz nem duzbinj couh vaih mingh、vaih ciuhvunz, aeundaey yaugoij ndei. (Veiz Ginzvah/韦群花)

SIUSIK DINJ

简讯

● 6 nyied 21 hauh, Vanz-gyangh Mauznancuz Swciyen gawjhengz “vad gocuk dog” doxdax, ndaw yienh miz 40 boux yindungyenz daej doxdax. “Vad gocuk dog” dwg aen hanghmoeg minzcuz conzdungj, gaenq lied haeuj daengx guk saujsu minzcuz conzdungj dijjuz yindungvei doenghgij hanghmoeg cingqsik de.

(Liengz Fuyingz Luz Cwnghling)

● Geij ngoenz gonq, Lingzyinz Yen Cauzlij Yauzcuz Yangh ndaw haw cingqsik haigoeng guh hanghmoeg gaj-guh roen、guenjaemx lo, aen hanghmoeg neix dwg minzcuz yanghing hanghmoeg, gungh roengngaenz 149 fanh maenz.

(Bi Cujbauj)

● 6 nyied 21 hauh, Swcigih Ginzcong Yisuzganj fwen ndawbiengz beizyibanh youq Lozcwnz Mulaujcuz Swciyen Duzsuhganj gawjhengz, 40 lai boux maij fwen daj ndaw yienh daej de camgya song ngoenz beizyin. Doenggyaq beizyin, engq ndei swncienz fwen ndawbiengz nem goeq Mulaujcuz.

(Moz Vwnzsw Yi Vazcin)

● Duenh gonq, Lungzlinz Gak Cuz Swciyen Dwzngoiz Cin Denzba Cunh Mbanjcanhgyahcai aen hanghmoeg guh mbanj miz Myauzcuz daegsaek de haigoeng lo. Aen hanghmoeg neix gungh roengngaenz 665.28 fanh maenz, gvendaengz 67 hoh 297 vunz, cujyau cunghab gajguh ranzyouq、diengzhaex、rienghcwz、riengh-vaiz、cauzmou daengj.

(Dauz Dwzgvangh)

● Dangqnaj, Dwzbauj Yen gaenq miz 3 aen yozyau 312 boux hagseng gyoebbaenz 6 aen ban lwnyenz swncienz yisuz ngeih-yienz ndokmax, caemhcai q dingh seiz cingj boux swncienz yisuz ngeihyienz ndokmax daengz ndaw yozyau son hagseng, hawj goengqde rox swncienz nem henho minzcuz vwnzva yizcanj.

(Nungz Yungjfang)

Vanzgyangh: Canghsan Daeuz Ndawbiengz Son Cienz Feihyiz

环江：民间工艺大师传承非遗



Gyoepgyazva dwg cungj gunghyibinj Vanzgyangh Mauznancuz gag miz de, lij caemh miz fwen gyoepgyazva、foux gyoepgyazva daengj, ndaej lied haeuj ndaw guekgya gaep feihvuzciz vwnzva yizcanj. Vanz-gyangh Mauznancuz Swciyen moix bi youq ndaw cunghyoz gaih-canj gij dinfwngz ndawbiengz gyauyuz, laeb vwnzva yisuz gyauyuz ghdi, caenh-itbuh swncienz nem fazcanj cungj vwnzva Mauznancuz neix. Ndaw doz dwg 6 nyied 20 hauh, Gvangjsih boux canghsan daeuz、boux swncienz feih-vuzciz vwnzva yizcanj Danz Sugenh cingq san gyoepgyazva.

(Liengz Fuyingz/梁富盈 Ciz Gvanghgoh/陈光科 ingj)

Denhdwngj: 350 Fanh Go Dinfaex Manhdaengjmbwn Hawj 5000 Lai Ranz Ndaem Lwgmanh Souh'ik

天等：350 万株指天椒苗让 5000 多户椒农受益

“Haet romhri, gou couh daej caj lo, gungh lingx ndaej 4800 go dinfaex manhdaengjmbwn, yaek dawz bae ndaem lo. Hwhw, dangjvej cwngfuj doiq dou nungzminz caen ndei!” Geij ngoenz gonq, Denhdwngj Yen Dozganh Yangh Nanzlingj Cunh Mbanjluzloz goeng nungzminz ndeu

ndaej mienxfei q lingx dinfaex manhdaengjmbwn liux gig angq dwk naeuz.

Ciuq cam rox, daj bineix daej, Denhdwngj Yen giethab dangdieg saedsaeh, cizgiz damqra gij mozsi moq hong minzcuz, daihlig saedhengz “cib bak cien” canjyevza mozsi, saedyienh nungzminz laisou、giyez ndaej leih'ik

song hingz muzbyauh.

Dangqnaj, aen yienh neix mienxfei q fat 350 fanh go dinfaex manhdaengjmbwn hawj nungzminz dangdieg lo, gungh miz 4 aen yanghein 5628 ranz nungzminz souh-ik.

(Liengz Cwngzfuj/梁成甫)